

東豐縣志卷四目錄

人物志

先烈

耆舊

忠勇

烈婦

節婦

孝子

循吏

義舉

鄉宦

荐紳

附縣大事年表

附修志人姓名表

東豐縣志卷四

人物志

先烈

張 璟 字玉璞縣城內人粗通經傳素蓄大志居嘗見國勢陵夷外侮紛集慨然以救國爲己任有清宣統末年被選爲縣收捐總董時武漢首義海內響應邑志士若張錫權等罔不間關奔走思欲起事璟夙隸國民黨聞革命軍舉義武昌亦企圖在東乘機反正邑交通固梗塞共和雖業成立而消息隔絕邑之志士尙不及聞知璟遂與友人劉寶書文酉山並聯絡駐邑巡防德哨官及其兵士竟於民國元年一月十二日舉事璟先入縣衙要求知縣黃澂退職同時得哨官劉寶書等率兵譟圍縣衙用作恫嚇先是邑代理警務長孫煥綬與璟有郤至是預知其謀乃先調集各鄉警及降匪馬大祥字部下徧伏城外

比得哨官兵至縣衙前伏兵四起卒不及防而德劉兩氏及兵士被狙擊死者二十餘人
環與文西山遂並繫獄孫代警務長以與環素不相能也乃力持議置環等於法復以不
死環則兵將譚變相要挾知縣黃澂虞生他變遂出環及文西山於獄並刑以大辟更誣
爲土匪擾亂地方正法聞於省憲云

論曰辛亥之役革命志士殺身成仁而不幸爲世人所不及知者抑亦衆矣然未有若張
君不幸之甚者也當其起事於共和已成之時固急於救國未暇聞知論情定罪似不應
遽科以死乃怨家從而搆陷之遂令君九泉飲恨不及見夫共和之成君其抱恨無窮期
矣顧當時既無人鳴其冤而後世復無人旌其節又從而誣之爲土匪不亦重可悲乎余
猶及見張君被難事居嘗竊爲之不平撫而傳之非第職所應爾亦余之夙志矣夫

張錫權 字鈞伯原名福培少年任俠慷慨自喜嘗磨盾投筆有封狼居胥之志父駿臣公

爲邑名士學行拔流俗君承家學弱冠始折節讀書痛國勢日替思欲起其衰也乃攻申韓刑名之學於北平所與遊皆南北知名士歲辛亥武昌首義各省景從君乃從商起予都督起義魯東佐參戎幕丕著勳績旋奉關外民軍都督藍公天蔚密命間關回東企圖舉義及張璟事敗罹害君迺避地瀋垣旋就事於關外稽勳局亡何歸鄉追懷往事侘傺不自聊乃就職教育以陶鑄後進爲職志八年冬應自治講習所試重遊燕都蓋君偁促邊邑鬱鬱非所好思赴燕作他圖冀償夙志也乃途次瀋陽病患腸癰竟於翌年一月七日病歿滿鐵病院中

論曰君奔走革命備嘗艱險曾不困是稍沮其志噫何壯也乃勳績爛然而不爲國人知卒汶汶以歿嗚呼是誠有幸有不幸者已余與君交也久稔知其功而憾其不爲人知也因爲之傳俾其名永昭於來禩焉

耆舊

劉漢儒 字翰亭原籍海城淹通經史嶄然冠儕輩年二十有一入邑庠以優等食餼旋由廩生進恩貢考取前清宗室漢學教習任滿引見以教授任用遂署寧遠州學正時拳匪肇亂屠殺教民因憫然興民吾同胞之懷設法救護賴以全活者甚衆比卸任歸適值東國開放出荒乃遷居海龍經營荒務旋卜居於縣之城內焉在海龍時應府尹孫公聘主閱海龍與京兩府童生試卷所錄拔皆一時知名士及縣設治創辦巡警知縣張兆駿聘爲總辦悉心規劃不著勞績民國初年乃謝病家居焉公工書深得蘭柳精髓名播一時居嘗爲人書雖販夫走卒求回不立應人多珍貴之民國七年冬卒年六十有三

李翰元 字耀庭前清計生慷慨重道義已語必屬宣統末年被舉爲縣議事會議長謀與地方福利雖勞累弗辭入以此多之民國二年被選爲衆議院議員任滿旋即補入爲衆

議員及袁氏解散國會乃南下入粵爲廣東非常國會議員壇坵馳辯皆中肯綮南中人
士咸爲傾服亡何復返燕京爲總統府高等顧問居恒鬱鬱非所好也民國十五年冬以
疾卒於燕邸年四十有九

忠勇

王九明 字名遠新民縣人久歷行伍資性忠果拊循部屬嚴而有恩兵士咸愛戴民國十
三年十月仁義軍匪轉掠海龍縣境海龍星夜告援九明時爲警察隊長從魏銓忱所長
馳往赴援行次沙河口聞匪盤踞海境宋家粉坊遂振旅前進與匪相遇於鴨綠岡匪首
黑虎率徒五百餘人將襲攻海龍縣城聲勢披猖商民惶擾危迫不可終日旣相遇匪衆
兵寡被匪圍困數重九明乃激勵兵士誓言殄滅分所部爲左右兩翼自與魏所長居中
堅直前痛擊義不及顧匪殊死戰屢却復合繼以肉搏傷亡枕藉而海龍之兵不以時至

卒因衆寡懸殊致召敗衄而九明遂中彈以殞時是月十日九明年三十有八耳並陣亡
兵士朱寶山劉忠禮李玉華丁得勝葉東春牛大本等七名傷左鳳春等四名匪首黑虎
亦當場格斃焉匪徒經此鉅創心膽俱落遂扶舁傷亡遠颺而海龍縣城十數萬商民賴
以保全縣人聞耗莫不痛悼乃開會追悼並請卹如例焉

侯國殿

字玉山縣七區大柳河人城廂鄉團督練長及保甲一區第四保保長也生性果

敢孔武有力縣中歷次剿匪皆著功績民國十三年十二月捕獲匪人任福善一名供稱
曾與李克興等夥同搶劫太平溝過路大車彼等見窩藏於頭道岡李家店云侯督練長
遂率團丁二十餘人前往搜捕比至李家店時已夜分而匪在屋內未敢逕入方佈置團
丁進店搜捕時匪徒已覺遽開槍向門外轟射彈如雨下侯督練長乃身先團丁冒彈破
扉而入竟中彈殞繼由分練長林枝棟督率團丁奮勇繼進匪力不支卒將匪徒五人盡

行逮捕焉

烈婦

王烈婦 姓馬氏邑警察隊長王九明側室也婉淑端莊非禮不言事翁姑奉夫子皆能曲盡婦道宗鄙戚族無間言民國十三年秋匪掠海龍縣境星夜告援於東豐九明從魏所長馳赴救援與匪相遇於鴨綠岡九明奮勇陷陳因而陣亡時烈婦年二十有八耳聞耗號慟誓欲自裁左右防護百譬莫能解及九明靈柩回縣縣人士開會追悼烈婦拊棺慟絕拚以身殉繼以防阻不得遂志迺遽出并刀截髮誓終身爲尼以勵節時與會者千人罔不涕泣行下泊隨舅歸葬其夫於新民也舅思欲別嫁之烈婦聞而悲憤隻身潛回東豐竟在南郭外尼庵爲比丘尼每歲逢忌辰猶爲悲咽竟日云

論曰烈婦之爲烈也豈不悲哉當其聞夫死耗志在身殉義不苟生及衆撓阻不得行其

志遂棺前削髮誓終爲尼雖古杞梁何以加茲時至今日自由解放之說橫決而不可遏
幾不知天壤間貞烈羞耻爲何事而烈婦獨能若此耶嗚呼是誠足以享壽末俗者也

藥烈婦

姓關氏邑人藥景玉室也幼不好弄動中禮法既歸於藥淑德丕著教育子女承

驪翁姑閨門以內雍雍如也民國十四年春陸軍第三旅張宗昌部下駐防縣城半係降
匪艱於管束鼓譟譁潰持械劫掠商民惶擾不遑寧處而巨室富商尤易誨盜烈婦翁夙
業商頗稱富有所居又鮮比隣日夜岌岌防守恐疎一夕突有匪兵七八人逾垣蠶擁入
比烈婦與夫覺已斬關入室者三人持刀威嚇逼索財物翻倒移時不償所欲烈婦夫景
玉婉言哀籲適逢匪兵怒舉刃割腹立仆烈婦見夫被傷憤不可遏操矛還刺中一兵胸
次沒矛傷兵負痛疾呼握矛相撐拒矛頭遽脫時餘兵甫出門聞呼偕返羣刃交加烈婦
遂殞餘怒所及並刺死烈婦姑謝氏翁左臂亦負創尸相枕藉血殷牀席群兵乃扶掖傷

兵出門逸去翁傷輕狂呼鄰援比鄰人集而烈婦與其夫若姑已相繼絕時是月二十九日也烈婦年三十有四耳次日鳴官縣令馬公偕該軍長官臨驗允爲究治旋以虞生他變未能窮究祇將傷兵槍決後雖數在省縣控告顧冤終不得伸焉

論曰予每聞烈婦殺賊事未嘗不爲之長太息也夫強暴當前利刃隨後須眉男子不爲之縮撓者尠矣乃烈婦義痛夫死操矛還擊致陷胸而沒矛何其壯且烈哉想當時其壯烈之氣誠足以貫日月而裂金石矣惜矛脫折不獲賈勇盡殺餘賊此烈婦九京齎恨所應呼負負者也嗚呼紀綱陵替公理弗彰領冤而不得達庶烈又不克及拾而傳之用俟夫闡幽褒烈者有所取資焉

節婦

張節婦 母家宋氏前縣商會長張寶雲母也端莊沈默非禮不言尤勤女紅昕夕不忘年

十爲七來嬪張府君萬明公越紀而萬明公疾歿遺女三人子一人即寶雲也時戰亂之餘簞瓢屢空節婦痛不欲生數欲自裁族鄰曉譬皆莫能解其母責之曰汝身殉固佳然門衰息弱如張氏宗祧何於是節母幡然改圖教子理家弗違沐櫛時子寶雲年甫九齡耳節婦俾入塾讀書旋以家貧改令習商遭歲荒歉飢饉洊臻節婦迺率子遷居於柳河復以萑苻不靖再遷於海龍朝陽鎮洎光緒三十一年始卜居於邑城焉轉徙流離家計維艱節婦撐拄其間得免凍餒遂命子寶雲復理商業開設寶義和金店節婦佐子治家理商旦夕劬勞由是家境漸躋小康遂購田畝置園廬子寶雲以負商界重望被舉爲縣商務會長者前後凡三任孫凱文有功戎行擢爲黑龍江陸軍團長若子若孫克有成就皆節婦以教以養有以致之可謂賢矣民國五年三月二十六日節婦卒於邑之里第計節婦自十七歲來嫁嫁十又二年而寡享年六十有九而後歿守節凡四十一年如一日

歿之日郇族揮涕遠近失聲咸爲悲失母範婦型云及民國十一年春子寶雲歷據節婦生平懿行上之大府大府以狀上聞蒙前大總統黎題給志潔行芳匾額一方並於十四年夏勒節碑於邑城東黑瞎岡俾懿德淑節永昭來禩於勿替

艾節婦

母家趙氏海龍縣人也幼嫻閭訓動中禮法年十有八孀於振堂艾公逮事舅姑

孝德丕著不違夫子柔嘉維則里郇翁然稱賢孝于時庚子亂後東流各縣盜匪充斥所

居地曰伊通河窪者尤爲銅馬赤犢出沒之淵藪洎前清光緒三十一年五月突來悍匪

百餘肆行焚掠振堂公見盜將加擄掠於父母也挺身前出抵禦竟中匪彈而殞並擄節

婦長次兩子遠颺節婦目擊慘狀怛慟幾絕誓自裁爲夫殉家人勸喻莫之能回旣而義

激於心幡然改圖作而稱曰夫死姑老子擄家貧一死了之艾氏血食不其餒而吾將忍

死以成吾志由是整治家事教撫諸孤復於家計艱難中措置鉅金贖匪擄二子歸遂避

地他徙定居於縣之城內焉時數罹閔凶家境益落節婦夙夜勤劬以支撐於衣食間復撒釧珥具束脩俾諸子讀書有所成就因而不數年間家道復興而子文昌紹昌等亦皆學行純篤雅步嶷然皆節婦顧復教誨有以致之可謂保又夫家再造艾氏者矣今節婦年將六十矣停辛佇苦歷三十餘年未嘗一日有慙色故年雖耆耋而高節彌厲遐邇莫不交譽嗚呼若節婦者其古之人與古之人也

孝子

盧孝子 名業治邑八區黃泥河人也生有至性幼時父母或疾輒繞牀啼泣比瘥乃已族里以此異之盧氏以農世其家孝子稍長即輟讀佐父畊作畝間率父任其易而已服其勞者力雖弗勝不欲父知也既壯有室日晨昏必定省問或廢闕次日必面白故恆慊然若無所容者父年既衰家事一委於孝子孝子每事必請父可然後行未嘗敢專以己

意也一日母病孝子日夜侍湯藥身不遑安席目不暇交睫者累月未嘗有倦容及母病將易簀值孝子妻亦病且殆殿屎牀褥思欲一面夫以爲訣迺孝子心切母病不忍斯須離終其妻之歿竟未遑一入私閨相顧視焉及母既卒孝子搗心泣血哀號欲絕不浹旬而骨銷如柴立旋以此得心疾母卒不期歲而孝子亦卒焉

論曰若孝子者斯可謂之能孝也已矣省定罔闕劇勞自任甚至妻歿而不暇一顧視雖賢士大夫所難能顧一椎魯不文之田舍子而能之噫何奇也嘗見世之自命讀詩書敦孝弟者一遇親疾漠然泰然一若無事者比比也以視孝子可同日語哉蒙嘗疾今世孝子之難覲也聞一庸行如盧君者竊嘉歎而樂爲之傳焉豈必奇節異行始足稱哉嗚呼人能事是亦足風者已

循吏

陳 藝 字漱六江蘇人博通載籍勤於治理清光緒三十四年來宰斯邦宵旰精勤廢墜皆舉首創統計處量入爲出縣中財政賴以綽裕時清季變法設巡警立學堂縣中雖次第創辦然率擁虛名未收實效公迺悉心整頓銳意改良於是縣中警學成績斐然可觀其治盜也弗矜鉤距務以德化在任三稔盜匪爲之澄清及宣統三年調任鐵嶺也縣民借寇情殷卒竟攀轅莫遂至今猶有甘棠遺愛之思云

謝桐森 字仲魯熱河承德人民國四年秋奉檄來守斯邑下車伊始勤勞政事時縣令猶兼理司法民刑訟案委積莫決者都數百起公夙夜研審判斷如神不半稔而案無留牘獄鮮滯囚士民翕然稱之縣山複林密久爲盜匪盤踞淵藪公督飭警甲痛予勦捕盜匪懼而遠颺閭閻叨以寧謐此尤爲縣人稱道至今不衰者比去職之日士民相與謀爲勒

石頌德偉德殊績永垂於奕禩焉

附謝公仲魯德政碑文 碑在今縣署前立於民國五年冬金縣徐續生撰文昌黎任宗昉書丹其文曰

縣令一眇未職耳而責任則重且大國家設官無慮萬數試一一質問之民之疾苦有弗知民之痛癢有弗聞何也治官之官而非親民之官也親民者亦惟此千八百縣知事耳縣知事去民也近審利害也易果其心乎吾民一興革一損益聞所以造福於閭里裨益於國家者實非淺渺雖然未易言縣政一國政也而警察而學務而自治而民刑訟事百紛待理舉能措置裕如昏憤罷軟者無論矣即使精幹勤明萃萬事於一身勝任愉快者吾見亦罕東豐僻在塞外墾殖之民五方雜處村落稀闊盜匪出沒自昔號稱難治十年來凡十一易官其施政之難更可想見民國四年秋熱河謝公來治斯鄉凡吾民之所

祈嚮者都能如願以償而案無留牘羣盜斂迹尤爲鄉老所稱道弗衰者在謝公自事其事亦曰吾分內應爾耳而吾民之感恩圖報自發於情之所不能已於是相與謀曰吾邦有賢使君爲設治來得未曾有斯不可不爲之謀所以垂不朽者勒石頌德事烏可已續生寄籍斯邦近將十稔吾亦蒼生詎外生成更欲令後之官斯土者有所觀感碑文撰述又何敢以不文辭

王鏡寰 字明宇遼寧北鎮人性明察處事果決自民國六年十月到任以來首以整飭屬吏廉潔奉公爲訓先是縣收捐處徵收田賦畝捐向多陋規人民嘖有煩言公迺悉力剔革嚴予監察於是多取苛索之風爲之摧陷廓清其措施庶政也苟便於民舉辦不俟終日縣人士以此多之時縣署年久傾圮無款改修而舊有土城業已傾頽反爲交通障礙公力排衆議極城垣池由是車馬運輸行旅往來皆感便利並將城基餘地任民價領請

於省府以地價作爲改修縣署之需即現在縣署之房間皆公手創之遺澤也一舉兩益人咸稱之在任二年政聲遠播旋以卓異升任全省官地清丈局總辦焉

馬仲援

字續波遼寧綏中人民國十一年冬蒞任公性肫誠關心政事興利剔弊化行有

謚縣人因而愛戴而焚掖後進軫卹窮獨尤有足多者居嘗見民因訟致蕩其家也每於出巡各鄉時召誥鄉民平息訴訟遇有爭訟者一言排解兩造折服以故累年訟案爲歷任所不能決者經公勸喻固不立解民國十二年冬仁義軍匪轉掠東西流各縣縣境各鎮多罹蹂躪聲勢狂張將襲攻縣城商民一夕數驚公迺親率警甲日夜防守目不交睫者累旬匪聞有備遂行遠竄縣城賴以安全及去職之日縣人士感念無斃爰爲刊石頌德用彰棠惠於永久焉

附馬公續波德政碑文

碑在縣署東街路北撰文書丹均出邑人陳鑑歐手立於民國

十五年夏其文曰

馬公仲援字續波奉天綏中人也夙承庭訓家學淵源民國十一年冬奉檄來守是邦庶政繁興百端待舉若警若學若實業若交通舉凡一切應興應革者靡不與地方人士互相討論共謀刷新期合乎民治潮流以視養尊處優置民事於不顧者相去不可以道里計公爲政尙寬大不事嚴苛從未鄙夷斯民而民亦不之欺每逢出巡集鄉民而詢以疾苦勸以禮法親愛之情儼若父子或當面以息鄉閭之爭或解囊以結數年之訟表彰節孝獎勵技能除強暴安良善竭一己之心力謀萬民之幸福若馬公者殆所謂民之役而非役於斯民者也是以五載以來民業有經怨訾未聞相與告語有口皆碑綜其政績較之漢唐循吏曷多讓焉 衆民何幸而得此賢父母哉世變雖云泯紛而公道尙在人心民感其德而不忍忘矣本良心之主張擬其事實勒諸碑碣以留紀念并使後之來宰斯土

者知所觀感焉丙寅夏碑謹具羣相囑予爲文故篆其事俾刻之以垂不朽云

王瀛傑 字冠吾吉林雙城人資性聰察精諳政術民國十八年一月由開通調長斯邑敷

施教令道齊人民寬嚴得中吏民畏懷是年春奉令成立縣政府延聘會員共同討論地方興革事宜提交議案四十餘起皆有關於人民福利者縣城街道向失修治而由城赴站尤坎坷不平行旅困難公迺請添第三科專辦市政建修車站馬路平治街道於是城內各道坦蕩可觀他如建築徵糧處及民衆體育場改修大西門外石橋辦理產婆傳習所及戒烟公所捐俸設立種痘事務所率有利於地方人民之舉十九年春奉令施行村制公對於各村長副之考委至爲審慎並設所講習教以地方自治之知識昕夕訓誨不稍姑息者實冀其出而造福於鄉里公之愛民爲何如也居嘗對於教育之改進尤三致意焉既甄試全縣教員之優劣復開辦寒暑假講習會創設第六小學於城內更於縣境

橫道河沙河鎮兩地添設縣立第三第四初級中學又將楊木林子師範講習科移在縣城辦理將該校改爲第二中學俾貧苦學生容易升學其作育青年之熱誠洵非歷來令長所能及也以故縣民感頌有口皆碑而省府攷績獎爲爲守兼優成績斐然非過譽也計公自十八年一月到任至今行且三稔廢墜皆舉政化聿新上憲之畀倚正殷縣人之感戴罔數假以數年繼展鴻猷則嘉惠我縣民寧有量耶

義舉

艾春厚 字德雨縣之城內人性好施與民國三年夏縣大水城中民房多被沖毀貧民失所嗷嗷待哺德雨惻然憫之乃出私積梁粟廣爲賑濟賴以全活者甚衆

陳鑑歐 字子安居縣城內曾任縣電話局長民國十二年春縣人士募捐建修文廟子安董其事比落成因募欸不足尙虧三百圓無法籌措迺慨解私囊如數捐助焉

趙振山 縣屬第五區四平街有富室趙振山者該區第一小學校學董也見該校地址狹隘無力擴充乃將私有地十畝捐給學校於是該校得以擴展焉

潘文田 縣屬第五區人任該區第三小學校學董時因校地不足用將私有地十六畝捐助該校由是該校地址寬敞敷用

喬永財 縣屬第五區小橫道河農人該地向無學校貧家子弟因距學校太遠屆學齡而

無力讀書者寔繁有徒永財乃捐地數畝自建校舍五間創設小學一處所有校中應用物品統由永財出款購置於是失學兒童皆得讀書其關心桑梓作育青年之熱誠求之晚近洵不數數觀也

高元奎

字作梅縣六區拉拉河人

阮廷惠

字廉泉縣八區黃泥河人

戴春暄

字旭東縣八區黃泥河上集場子人

張禮山

縣第七區大柳河人

羅文繡

字錦堂縣九區大沙河人

以上五人皆捐貲興學者捐資或數百元或千數百元不等其熱心教育洵高出尋常萬萬也

鄉宦

楊顯青 字蔚藍縣城人初任縣勸學所勸學員長清末曾充奉天諮議局議員及第一屆省議會議員旋改任奉天莊河黑龍江海倫龍江各縣稅捐征收局局長繼而改任東三省公債局長民國十七年任遼寧禁烟善後局局長見任遼陽縣縣長頗有政聲

杜燮銓 字象辰縣城內人前清附生歷任清末諮議局議員及第一屆省議會議員擢署遼中縣知事民國十六年改充京兆大興牙稅局局長

陳玉符 字果光縣城人初任縣勸學所長旋被舉爲第二屆及第三屆省議會議員及副議長改任新民縣稅捐局長旋任京兆平谷縣縣長

薛鴻順 字遇風縣七區大柳河人民國十二年任縣教育公所所長旋改充山東督辦公署軍法處長擢充青島陸海軍警稽查處長及膠澳防守副司令陸軍少將銜

冷權舜 字馭衡縣七區大柳河人曾任察哈爾望都縣知事

蔣希濤 字國輔縣城南關人北京陸軍大學畢業歷充東北陸軍第八軍軍團部參謀長

及黑龍江省軍械廠廠長見任東北陸軍講武堂兼高等軍學研究班上校教官

王恩惠 字政僑縣四區大陽歲人奉天陸軍小學卒業復升入保定軍官學校卒業後歷充連長參謀等職見任遼寧長官公署軍衡處處員

張桐林 字景陽縣城內人東三省講武堂卒業見任陸軍步兵團長

劉清濤 字鏡瀾縣四區秀水河人曾任直軍礮兵團長見任第三十軍參謀處長

周文武 字志斌縣五區一面山人歷職吉林遊擊隊營長見任黑龍江省呼蘭縣警察所長

張虞農 字荊山縣城人歷職西豐新民桓仁開原各縣警察所長

趙百昌 字興周縣五區四平街人歷職法庫縣公安隊大隊長見任通遼公安局長

張爲東 縣城內人歷職洮遼鎮守使署副官處長見任桓仁公安局長

江蘊深 字濬亭縣四區秀水河人曾任縣勸學所所長及第四第五兩屆省議會議員見

通化稅捐徵收局長

任作楫 字逃生原籍河北昌黎留日軍醫卒業見任東北邊防長官公署醫務處處長

薦紳（一）

劉憲法 字曉川縣六區楊木林人曾任縣勸學總董已故

張壯猷 字駿臣縣五區四平街人前清附生曾任海龍縣勸學所長及縣巡警總辦

邱文申 字贊庭縣七區大柳河人前清附生曾任縣勸學員縣立第二小學校長女子初

級中學校長及縣第六區區長等職

李恩元 字錫三居縣城內前清附生曾任縣立第二小學校長及縣農會會長

解忠良 字鼎忱縣五區四平街人曾任第二第三兩屆省議會議員

劉作舟 字巨川縣八區樺樹河人曾任縣第七區區長及第五屆省議會議員

張佐華 字錫三居縣城內曾任縣收捐處收捐委員及清賦委員

艾春厚 字德雨居縣城內曾任縣參事會議長及預警總辦

李金山 字携珊居縣城內曾任縣自治研究所所長及收捐處收捐委員

蘇國維 字子綱居縣城內曾任縣農會會長及海龍縣勸學所長

陳鑑歐 字子安居縣城內曾任縣勸學員教養工廠廠長及縣電話局長

甘永甲 字乙青居縣城內曾任縣第二區區長及地方公款處主任

楊顯英 字師程居縣城內曾任縣教養工廠廠長地方公款處主任見任電話局長

張寶雲 字峻峯居縣城內曾任縣商會會長已故

王國香 字蘭芳居縣城內曾任縣農會會長及農事試驗場場長

王貴良 字俊唐居縣城內曾任縣商會會長

崔顯廷 字學平縣二區小城子人歷任職業學校校長縣農會會長見任財政局局長

杜兆珉 字孟石居縣城內奉天優級師範博物選科卒業歷任縣立女子初級中學校長

海城開原瀋陽各縣縣視學

姜泰交 字子信居縣城內

李國柱 字惠忱奉天省立甲種農業學校卒業曾任第六區區長見任農事試驗場長

邱勝彬 字協中縣七區大柳河人曾任縣教育會會長及縣立初級中學校長

薛吉人 字天民居縣城內曾任縣清賦委員

徐長禮 字敬之居縣城內曾任懷德本溪各縣縣視學見任開通縣教育局長

呂賡斌 字景臬居縣城內見任縣教育局長

呂笏岑 字聘卿居縣城內曾任監獄看守所長見任教養工廠廠長

徐名山 字子揚居縣城內見任縣商會會長

劉寶恩 字錫三縣四區秀水河人見任縣農會會長

張樂山 字靜安縣七區大柳河人曾任教育公所事務員見任縣立第一初級中學校長

郎恩凱 字洗塵縣六區楊木林人曾任教育會長見任縣立第二初級中學校長

任宗昉 字鏡宇原籍河北昌黎歷任縣勸學員保甲辦事員及第五師範學校校長等職

尙其國 字澤霖原籍海城民國七年任縣警察所所長見居城內

祁壽春 字永萱原籍河北天津民國十二年任縣警察所所長及保甲所長見居城內

薦紳 (二)

姜鴻先 字雲階居縣城內北京中國大學法科卒業曾任金川縣禁烟局長見任縣區村

視察員

孫昌齡 字延棠縣七區繞盈河人北京民國大學商科卒業歷任職業校長及縣農會長

紀元 字湘濤縣六區楊木林人北京大學文科卒業曾任北京農大教授

王德品 字咸宜居縣城內北京師大教育研究系畢業曾任馮庸大學教授已故

曹弘毅 字敏之縣七區繞盈河人北京醫科大學畢業曾充熱河都統公署醫務處處長

徐永祺 字彭年縣二區小城子人北京中國大學法科畢業

赫勝林 字巨川縣六區楊木林人留日東京醫科大學畢業

高元良 字仰之縣六區拉拉河人留日大學電工科畢業

張雲軒 字敬維居縣城內北平中國大學商科畢業

杜兆琦 字漱石居縣城內奉天文學專門卒業

王興凱 字崇任居縣城內奉天文學專門卒業

于成海 字瀛仙縣六區楊木林人國立瀋陽高等師範國文史地科畢業

陳玉瑄 字素天居縣城內國立瀋陽高等師範國文史地科畢業

王殿章 字煥階 縣七區大柳河人 遼寧東北大學電工科畢業

高鳳儀 縣七區大柳河人 字桐岡 留日東京高工電工科畢業

李文章 字理華 居縣城內北平國民大學法科畢業

何宏勳 居縣城內東三省講武堂卒業及日本士官學校礮科卒業

馬鴻儒 字世楷 縣八區黃泥河人 留日警官學校卒業

陳向賢 縣八區樺樹河人 遼寧高等警官學校卒業

王祿 字會同 縣八區黃泥河人 遼寧東北大學理工院數理科畢業

許永湘 字溶哲 居縣城內上海大夏大學國文部畢業

張鳳文 字孟起 居縣城內北平民國大學法律系專門部畢業

趙成春 字景陽 縣六區二龍山人 北平俄文法政專門學校畢業

趙成青 字梯雲縣六區二龍山人北平大學法學第一院俄文法律系畢業

滿福恆 字經久縣七區繞盈河人北平民國大學地方自治專科畢業

曹有斌 字子全縣六區拉拉河人北平民國大學地方自治專科畢業

王永澤 字沛然居縣城內北平民國大學地方自治專科畢業

李成圃 字向榮居縣城內北平民國大學地方自治專科畢業

縣大事年表

光緒二十九年

初設治日東平縣當光緒二十四年俄人租借金州金州居民無地安置清庭言官奏請
開放東圍以安置金州難民及拳匪之亂奉天軍餉支絀總督曾祺以金州指日恢復無
須安置因奏請派員丈放任民價領以地價接濟軍餉乃於二十九年設治焉
知縣張兆駿到任暫設行衙於海龍閱五個月始遷於縣城

建築縣衙即今法庭看守所地址

創辦縣城內巡警并設巡警局

初設郵政局

光緒三十年

建築縣城舊土城長寬約各里許每方各闢一門

劃分全境爲十九鄉連同中區城廂共二十鄉

光緒三十一年

知縣陳廷絜到任

創辦城內兩等小學堂即今縣立第一小學

初設縣城商會

光緒三十二年

知縣華曉嵐到任旋病故

知縣紀筱亭到任旋病故

添設二十鄉巡警分所

知縣尹濇到任

光緒三十三年

知縣陳藝到任

設縣統計處

光緒三十四年

初設縣勸學所

選舉奉天第一期諮議局議員

設縣稅捐分局

天主教建立教堂

宣統元年

創立縣自治研究所

設縣收捐處

改巡警總局爲警務局

辦理警務教練所

宣統二年

建築新縣衙地址在今縣公署後

知縣程壽保到任

選舉奉天第二期諮議局議員

創設女學堂即今縣立第四小學 第二兩等小學堂即今東關縣立第二小學

宣統三年

知縣黃澂到任

改警務局爲警務長公所

初設縣教育會

設立縣參事會及董事會

設立城廂及各鄉參事會及董事會

張璟聯絡駐縣巡防密謀響應革命事敗被害

民國元年

縣知事崇廉到任

改縣收捐處爲收捐事務所

創設預警

選舉奉天臨時省議會議員

商會籌款建築大西門外石橋

民國二年

縣知事湯文煥到任

改東平縣爲東豐縣

警務長公所改爲警察事務所

選舉奉天第一屆省議會議員

創辦通俗教育講演會

民國三年

縣知事蔣志廉到任

改編縣預警爲保衛團

設立省立第五師範學校由縣擔任建築費三萬元

改縣收捐事務所仍爲收捐處

稅捐分局改稱稅捐徵收局

悍匪鐵公雞劉大個子率匪徒五百餘名轉掠縣境並襲踞邑西猴石鎮竄至海龍縣境
爲官軍擊撤

民國四年

縣知事楊紹宗到任

設立登記所於縣署內

取銷縣鄉各參事會及董事會

縣知事謝桐森到任

鐵嶺日本領事館在縣設立日警出張所

民國五年

勸學所改稱爲教育公所

初設電報及電報局

初設縣農會及各鄉農會

醫學研究會成立並考試全縣醫生

民國六年

縣知事章運熹到任

縣城大火延燒商舖百餘家

建修南照山公園

縣知事王鏡寰到任

復辦警察教練所

教育公所仍改爲勸學所

選舉奉天第二屆省議會議員

財神廟改建爲關岳合祠是爲武廟

民國七年

折毀舊土城所有城基任人價領

重修縣公署房間即現在之公署也

創辦縣教養工廠

創辦全縣電話並設電話總局

民國八年

設縣立通俗圖書館於勸學所內

創辦縣立職業學校

收捐處歸併於縣公署內

選舉奉天第三屆省議會議員

設立農事試驗場於縣農會內

省署召集鄉老

西豐人陳淵來縣聯合商農各界集股創辦電燈

民國十年

收捐處由縣分立改稱地方公款處

電燈放光並設久源電燈工廠

縣屬小城子沙河兩鄉因馬稅激起聚眾風潮稅捐局長高輝擅令局役開槍向民衆射擊死數人瘐死爲首數人又妄以民變聞諸省署云

攷驗全縣醫生

民國十一年

縣署募捐重修監獄房間

省署頒行區村制度劃分全縣爲八區共一百三十五村

設立女子中學校

悍匪仁義軍率徒千餘名竄掠縣境並襲踞邑北永興鎮

民國十二年

建修見在土城

縣知事馬仲援到任

成立司法公署

警察事務所改稱警察所

登記所改稱登記處由司法公署管轄

奉令裁撤教養工廠

警察所與女學互換地址

奉令辦理積穀設倉穀事務所於縣農會內

保衛團改組爲保甲

勸學所仍改稱教育公所

選舉奉天第四屆省議會議員

募捐建修文廟

設立縣立苗圃事務所

仁義軍匪寇掠縣境並佔踞邑西猴石鎮

民國十三年

司法公署改組爲海龍地方廳東豐審檢分庭

登記處歸審檢分庭管轄

辦理鄉團

設長途電話附於電報局內

省公署召集鄉耆

警察王隊長九明剿匪陣亡於海龍鴨綠岡並陣亡兵士八名
仁義軍匪轉掠縣境秀水河小城子等地

民國十四年

電燈公司因賠累歇業

監獄改稱分庭看守所由檢察分庭管轄

民國十五年

縣知事邢麟章到任

復辦教養工廠附於看守所內旋遷入見在地址

保甲所長裁撤由警察所長兼任

通俗教育講演會停辦

報界新聞會成立

停辦縣立職業學校

設立縣立第五小學

民國十六年

縣屬灣龍溝小柳河兩鄉劃屬海龍管轄

奉省令辦理鄉團

設立縣禁烟分局

瀋海鐵路之梅西支路竣工通車

選舉奉天第五屆省議會議員

民國十七年

裁撤禁烟分局由縣公署接辦禁烟事宜

成立縣志編輯館開始調查及編輯

奉令裁撤區村制

縣志編竣並未付印

民國十八年

縣知事王瀛傑到任

地方公款處奉令改組爲財政局

成立縣國民外交分會

成立縣財政監察委員會

稅捐征收局奉令內部改組

警察事務所奉令改組爲公安局

警察隊及保甲改編爲公安第三大隊

縣公署奉令改組爲縣政府聘地方官紳四十人爲行政會議會員

縣政府添設第三科專辦市政事宜

民國十九年

縣政府開第一次行政會議提議及交議案件凡四十餘起

建築縣徵糧處房間

建修民衆體育場設置各種運動器具

歸併從前一百三十五村爲七十五村

考取村正副設所訓練並成立各村村公所

成立全縣產婆講習所

縣政府攷取區長送省考試講習

成立區公所劃分全境爲十區

設立臨時種痘事務所

成立農商貸款事務所由省庫撥給大洋二十五萬元接濟地方商農

民國二十年

縣農會遵令改組爲委員制各區設區農會各村設鄉農會

縣教育會改組爲委員制

縣商會改組爲委員制

重修大西門外石橋

選舉國民會議代表

建築城內小公園

縣政府開第二次行政會議提交議案二十餘起

成立縣禁烟公所

縮減地方各機關常年經費

縣志續修完成

修補各城門

修築赴站馬路及半截河橋梁

成立自衛團設總隊部於城內

編輯縣志姓名錄

初修

民國十七年五月

監修

前東豐縣知事衆議院議員

邢麟章子文

吉林農安

編輯主任

前東豐縣立第一初級中學國文教員

李耦耘吾

編輯

前海龍縣勸學所所長前清附生

張壯猷駿臣

遼寧省立第五師範畢業中學教員

葛文濤鍾嵐

調查主任

前吉林濛河河北平谷縣公署第一科科长

艾紹昌 蔭滋

調 查

遼寧省立第五師範畢業西豐登記處主任

張家麟 銘萱

遼寧第五師範畢業中學教員

葉紅蓮 孟芙

續 修 民國二十年六月

監 修

東豐縣縣長前遼寧省政府秘書

王瀛傑 冠五 吉林雙城

總編纂

前東豐縣立苗圃主任

李 耦 耘吾

總調查

東豐縣政府公報主任兼第一科科員

艾紹昌 蔭滋

調查及採訪

東豐縣政府第一科科長

郭文範 式之

東豐縣電話局局長

楊顯英 師程

東豐縣財政局局長

崔顯庭 學平

東豐縣教育局局長

呂賡斌 景皋

東豐縣第四區區長

姚其昌 景虞

東豐縣第一區區長

劉國章 耀東

東豐縣教育局第一課課長

劉春栢 松年

東豐縣公安局行政課課長

楊九鵬 程遠

前東豐縣電話局局長

陳鑑歐子安

前縣農會長海龍縣勸學所長

蘇國維之綱

前東豐縣地方公款處主任

甘永甲乙青

前東豐縣電話局局長

荊世藩佐垣

北平中國大學法科畢業區村視察員

姜鴻先雲階

前東豐縣收捐處委員

張佐華錫三

前女子中學校長海城瀋陽縣視學

杜兆珉孟石

前東豐縣收捐處委員

李金山携珊

前遼寧省議會議員省政府諮議

劉作舟巨川

前東豐縣教育會會長

薛俊廷秀華

前東豐縣清賦委員

薛吉人天民

東豐縣立師範講習科教員

葛文濤鍾嵐

遼寧省立第一中學卒業高小校長

張殿相光芝

校對

前縣立女子初級中學校長前清附生

邱文申贊庭

前東豐縣農會會長前清附生

李恩元錫三

繪圖